



Broj: UP09-07-1-165/18
Sarajevo, 20.02.2018. godine

Ministarstvo pravde Bosne i Hercegovine, rješavajući Zahtjev UDRUŽENJA GRAĐANA PLANINARSKO DRUŠTVO SKAKAVAC, sa sjedištem u Vogošći, ulica Jošanička broj 1, za upis u Registar udruženja, na osnovu člana 8. i 33. Zakona o udruženjima i fondacijama Bosne i Hercegovine ("Službeni glasnik BiH", br. 32/01, 42/03, 63/08, 76/11 i 94/16) i člana 4. stav 1) Pravilnika o načinu vođenja registra udruženja i fondacija Bosne i Hercegovine i stranih i međunarodnih udruženja i fondacija i drugih neprofitnih organizacija ("Službeni glasnik BiH", br. 44/10 i 14/12), d o n o s i

R J E Š E N J E

1. U Registar udruženja kod Ministarstva pravde Bosne i Hercegovine, pod registarskim brojem 2135 Knjiga I Registra sa danom 20.02.2018. godine, upisuje se Udruženje pod nazivom:
 - a) UDRUŽENJE GRAĐANA PLANINARSKO DRUŠTVO SKAKAVAC
УДРУЖЕЊЕ ГРАЂАНА ПЛАНИНАРСКО ДРУШТВО СКАКАВАЦ
UDRUGA GRAĐANA PLANINARSKO DRUŠTVO SKAKAVAC
 - b) Skraćeni naziv Udruženja je: UG SKAKAVAC
УГ СКАКАВАЦ
UG SKAKAVAC
2. Sjedište Udruženja je Vogošća, ulica Jošanička broj 1.
3. Udruženje ima svoj znak. Znak Udruženja građana Planinarsko društvo Skakavac je otisak vodopada u čijoj se pozadini nazire planinar sa ruksakom. U središnjem dijelu sa natpisom PLANINARSKO DRUŠTVO SKAKAVAC. Znak Udruženja je plave boje.
4. Ciljevi i djelatnosti Udruženja su: stvaranje uslova za razvoj i unapređenje organiziranog rada u svim granama planinarstva: visokogorsko planinarenje, trail running, ekspedicionizam, alpinizam, spasavanje u planinama, sportsko penjanje, turno skijanje, planinski biciklizam, nordijsko hodanje i drugi oblici ekstremnih planinarskih aktivnosti, planinarska orijentacija, vodička služba, speleologija i planinarska rekreacija; podrška turističkim i razvojnim aktivnostima koje su povezane sa planinarstvom, razvoju radne materijalne osnove i sigurnosti u planini; propagiranje odlazka građana u planine BiH; pomoć i podrška u organiziranju priprema i stručne obuke članova Udruženja, a posebno omladine za trajno bavljenje planinarskim aktivnostima; odgajanje članstva u smislu čuvanja, zaštite i unapređivanja prirode na planinskom području općeg društvenog bogatstva koje ima posebno i šire ekološko značenje, kako za same planinare, tako i za podnožja i dalje vodene tokove; razvija dobru saradnju sa lokalnim stanovništvom, drugim nevladinim organizacijama i privrednim subjektima u cilju bolje valorizacije i ekološkog očuvanja planina; saraduje sa drugim organizacijama i državnim organima radi ekološkog očuvanja i skladnog valorizovanja i iskorištavanja planina kao prirodnog i planinskog turističkog resursa; inicira gradnju planinarskih objekata i smještajnih kapaciteta na planinarski pogodnim lokalitetima, te planinarskih putnih komunikacija u planinama kao i njihovo očuvanje i održavanje; rad na pružanju pomoći i podrške u stvaranju materijalne osnove planinarstva, kroz učešće u osnivanju privrednih subjekata koji doprinose unapređenju

planinskog turizma i kulture planinarenja u Bosni i Hercegovini; ostvarivanje saradnje sa drugim srodnim udruženjima u zmelji i inostranstvu; izdavanje publikacija u svrhu ostvarivanja djelatnosti Udruženja, u skladu sa Zakonom.

5. Lica ovlaštena za zastupanje Udruženja su Amir Bašić, predsjednik Udruženja, Alma Bašić, zamjenica predsjednika Udruženja i Zlata Grabovac, predsjednica Skupštine Udruženja.
6. Danom upisa u Registar udruženja kod Ministarstva pravde Bosne i Hercegovine, Udruženje stiče svojstvo pravnog lica i ima slobodu djelovanja na cijelom teritoriju Bosne i Hercegovine isključivo pod registriranim nazivom.
7. Ovo rješenje će se objaviti u „Službenom glasniku BiH“, o trošku podnosioca zahtjeva i na internetskoj stranici Ministarstva.

Obrazloženje

Osnivači UDRUŽENJA GRAĐANA PLANINARSKO DRUŠTVO SKAKAVAC, sa sjedištem u Vogošći, ulica Jošanička broj 1, podnijeli su 23.01.2018. godine Zahtjev za upis u Registar udruženja kod Ministarstva pravde Bosne i Hercegovine.

U toku postupka registracije, Ministarstvo je utvrdilo da zahtjev nije potpun, te da sadrži nedostatke i nepravilnosti zbog kojih nije moguće izvršiti registraciju. Ministarstvo je aktom Broj: UP09-07-1-165/18 od 02.02.2018. godine zatražilo ispravku i dopunu zahtjeva.

Podnosilac zahtjeva je podnescima od 13.02.2018. godine, 16.02.2018. godine i 19.02.2018. godine izvršio izmjene i dopune zahtjeva, te uz zahtjev za upis u Registar udruženja priložio sljedeću dokumentaciju: Zapisnik sa Osnivačke Skupštine UDRUŽENJA GRAĐANA PLANINARSKO DRUŠTVO SKAKAVAC od 22.01.2018. godine; Odluku o osnivanju UDRUŽENJA GRAĐANA PLANINARSKO DRUŠTVO SKAKAVAC Broj: 01/18 od 22.01.2018. godine sa potpisom svih osnivača i predsjednika Osnivačke Skupštine; Statut UDRUŽENJA GRAĐANA PLANINARSKO DRUŠTVO SKAKAVAC Broj: 02/2017 od 22.01.2018. godine u dva primjerka; Odluku o imenovanju organa Udruženja Broj: 04/18 od 22.01.2018. godine; ovjerenu Izjavu od 09.02.2018. godine, u skladu sa članom 31. stav 1. t. f) Zakona; ovjerene potpise lica ovlaštenih za zastupanje Udruženja; ovjerene fotokopije ličnih karata osnivača Udruženja i lica ovlaštenih za zastupanje Udruženja i primjerak znaka Udruženja.

Na osnovu činjenica utvrđenih u postupku, proizilazi da su ispunjeni uslovi predviđeni Zakonom o udruženjima i fondacijama Bosne i Hercegovine i Pravilnikom o načinu vođenja registra udruženja i fondacija Bosne i Hercegovine i stranih i međunarodnih udruženja i fondacija i drugih neprofitnih organizacija za upis u Registar UDRUŽENJA GRAĐANA PLANINARSKO DRUŠTVO SKAKAVAC kod Ministarstva pravde Bosne i Hercegovine, pa je doneseno Rješenje kao u dispozitivu.

Na ovo Rješenje naplaćena je administrativna taksa u iznosu od 200,00 KM, u skladu sa Tarifnim brojem 108. Zakona o administrativnim taksama („Službeni glasnik BiH“, br. 16/02, 19/02, 43/04, 8/06, 76/06, 76/07 i 98/12).

Pouka o pravnom lijeku:

Protiv ovog rješenja nije dopuštena žalba, ali se može pokrenuti upravni spor tužbom pred Sudom Bosne i Hercegovine. Rok za podnošenje tužbe je 60 dana od dana prijema ovog rješenja.



Dostavljeno:

- Amir Bašić,
Ulica Jošanička broj 1, 71 320 Vogošća,
(za: UDRUŽENJE GRAĐANA PLANINARSKO DRUŠTVO SKAKAVAC)
s ovjerenim Statutom Broj: 02/2017 od 22.01.2018. godine;
- Zbirka isprava;
- JP NIO "Službeni list BiH".